

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 551. Quotuplex sit censura.

[urn:nbn:de:hbz:466:1-73982](#)

num, expressa his verbis à Christo Matth. c. 18. v.
17. Si quis Ecclesiam non audierit, sit tibi sicut
Ethnicus & Publicanus, id est, à communione se-
gregatus, constatque ex definitione Concil. Con-
stantiensis Sess. 8. errore 30. & Sess. 15. errore 9.
& ex constante ab Apostolorum tempore deducta
Ecclesiæ traditione & unanimi SS. PP. & DD. con-
sensu, ut & ex ea ratione, quod Ecclesia non pos-
sit cognoscere peccata merè interna, adeoque nec
de iis judicare, nec ea punire, quibus autem in spe-
cie concessa hac potestas, resolvetur paulò post spe-
ciali quæst.

6. Dicitur sexto: *Fideles*: hoc est baptizatos,
rationis ac doli capaces, viatores, tam laicos quam
Clericos, quia hi omnes & soli sunt subditi Eccle-
siæ, eam ingressi per baptismum. *Can. de Iudeis*,
dist. 45. &c. gaudemus de divortiis. in quos verò in
specie ferri nequeant censuræ, dicetur quoque pau-
lò post speciali quæst.

7. Dicitur septimum: *Suos*: id est jurisdictioni or-
dinariæ vel saltem delegata ferentis subjectos, c. à
nobis de sent. excom. cùm par in parem, c. innovit
de elect. inferior in superiori, c. cùm inferior. de
majorit. imperium non habeat. Hinc summus Pon-
tifex, quia nulli subjectos & omni jure humano su-
perior est, nulli censuræ obnoxius est, Laym. l. c.
c. 4. n. 4. Castrop. l. c. p. 6. n. 3. de quibus item plu-
ra in sequentibus.

8. Dicitur octavo: *Delingentes*: cùm enim, ut
dictum, sit pœna medicinalis, necessariò culpam
aliquam per ipsam corrigendam supponit. Circa
quod tamen notanda diversitas inter censuras, dum
excommunicatio major, cùm sit pœna omnium
maxima, tam à jure quam ab homine non nisi de-
linquenti ipsi infligitur, interdictio verò quandoque
innocentes subjiciuntur, v. g. dum eidem civitas
aliáve tota communitas ob delictum alicujus seu
aliquorum supponitur, ut delinquens illius caput,
aut quædam ejus membra suâ culpâ innocentes alios
gravari animadventitia citiū resplicant. Quod
idem eti si aliqui extendant ad suspensionem, dum
volunt, suspenso collegio vel capitulo etiam singu-
lares illius personas culpæ expertes suspendi, rectius
tamen id ipsum, nimirum suspensionem propriè di-
ctam privantem jure proprio contrahi ob culpam
merè alienam, negant Nav. cit. c. 27. n. 151. Hen-
riq. c. 34. n. 1. Laym. l. c. tr. 5. p. 3. c. 1. n. 1. apud
Wiefsn. b. t. n. 11. cò quod iuspenso sit gravis pœ-
na, ea autem supponat culpam, que suos authores
tenete debet, nec ultra protrahenda quam delictum
fuerit repertum. c. quæsivit. de his qui à majori. de
quo vide plura apud Castrop. tr. 29. d. 4. p. 3. ubi ex
professo, num iuspenso alicui infligi possit ob cul-
pam alienam.

9. Dicitur nono: *Et contumaces*: nimirum in
Ecclesiæ præcipientem aut prohibentem aliquid
sub censura, ut Suar. d. 5. f. 5. n. 6. Cönnick d. 13.
du. 8. concl. 6. Laym. l. c. p. 1. c. 5. n. 2. Unde cen-
suram non incurrit committens peccatum solo jure
naturæ prohibitum. Abb. in c. quâ fronte. de appell.
n. 10. Suar. d. 4. f. 5. n. 6. cùm censura sit pœna in-
obedientiæ, contempti & contumaciæ contra po-
testatem ecclesiasticam, dum autem dicitur ob
contumaciam incurram requiri contumaciam, in-
telligentum non est, quod semper requiritur con-
tumacia expressa & formalis, cùm sufficiat virtualis
& contemptus Ecclesiæ interpretativus, in eo consi-
stens, quod quis sciat aliquid per legem aut legitimi-
num Superiorum ecclesiasticum sub censura prohibi-
tum, & tamen faciat: Atque ita ad excommu-

nicationem semper requiritur contumacia, quæ sit
causa immediata excommunicationis, sive præces-
serit aliud factum sive non, dum nimurum citatus
quis stare noluit juri, c. ex parte de V. S. dum autem
delictum aliud præcessit ac proinde sententia excom-
municationis processit non tantum ob contumaci-
am, sed etiam propter illud delictum, tale deli-
ctum vocatur causa excommunicationis, non im-
media, sed mediatâ tantum, Reiffenst. h. t. n. 13.

10. Dicitur decimo: *Bonorum quorundam usu*
privat, scilicet publicorum & communium, cuius-
modi sunt beneficiorum administratio, exercitium
jurisdictionis ecclesiasticæ, perceptio Sacramen-
torum, indulgentiarum & publica Ecclesiæ suffragia, ali-
aque simili bona spiritualia externa, non tamen bona
propria & interna animæ, ut sunt dona gratiarum,
virtutum theologicarum & moralium habitus, ea-
rūmque actibus merendi, impetrandi, satisfaciendi
vis, his enim spoliare, earumve usu interdicere ne-
quit potest ecclesiastica. Castrop. l. c. Laym. l. c. d.
& c. 1. n. 2.

11. Dicitur denique: *Ad eorum emendationem*,
sunt enim, ut aliquoties dictum, pœna medicina-
les, non mortales, idcirco delinquentे à contumacia
recedente, sunt relaxandæ. c. ex literis de constitut.
& c. quâ fronte. de appellat; cisque canonica moni-
tio seu commonitio præmittenda. c. statutum. & c.
Romana h. t. in 6. ubi sententia excommunicatio-
nis absque competente monitione promulgata vo-
catur injusta.

Quæst. 551. Quotuplex sit censura?

R Esp. Tres sunt celebiores divisiones censuræ;
R duæ primæ accidentales, nimirum ratione mo-
di eas ferendi, tertia essentialis tanquam generis in
species. Prima itaque censura alia est seu fertur ab
ipso jure, nimirum per canones, constitutiones &
statuta authore Prælati Ecclesiastico illorum condi-
tore. Altera ab homine, quæ à Judice vel Præla-
to per modum mandati vel sententia judicialis fer-
tur. Estque inter hos duos modos ferendi censuram
hoc discrimen, quod censura lata à jure, mor-
tuo illius conditore canonis, seu constitutionis, per-
severat canon, constitutio si & ipsa censura. Lata
ab homine ejus jurisdictione, morte vel alio modo
finiā, ipsa quoque expiret, & à nullo alio incurrat,
eti si qui eam incurrerunt, ligati maneant, do-
nec abolvantur. Laym. l. 1. tr. 5. p. 1. c. 2. Castrop.
l. c. d. 1. p. 2. n. 8. Ad hæc censura lata à jure nun-
quam ferri potest pro peccatis præteritis, sed solum
pro futuris, lata ab homine non solum pro futuris,
sed etiam pro præteritis in eorum satisfactionem &
emendationem, Castrop. l. c. Censura lata ab homi-
ne subdividitur in speciale, quæ ob particulare fa-
ctum & in personas determinatas fertur, ut si Epis-
copus excommunicaret Petrum ob illius à beneficio
ableniam. Et in generale, ut si excommunicare
ret omnes, qui furum commiserunt. Neque his
contrarium statuitur seu definitur in c. Romana: de
sent. excom. in 6. dum ibi dicitur: *Caveant, ne ta-
les excommunications, sive specialiter, sive genera-
liter pro culpis futuris ferre presumant.* Indeque
quidam dubitant, num quis præter Pontificem pos-
sit ferre censuram pro culpis futuris; nam præter-
quam id possint, qui possint potestate legislativæ,
ita ut tunc censura talis sit censura lata à jure, hic ad
summum prohibetur censuram non à legislatore
volente per hoc condere legem ferre, talem cen-
suram per modum sententia, nisi sub sit rationabilis
causa, eaque in sententia exprimatur, præterquam
quod

Quod Suar. & Cönnich apud Castrop. n. 4. censeant, non contineti in eo texu præceptum, sed solum admonitionem, prout indicat verbum illud: *Caveant: & si præceptum contineretur, consuetudine tamen vidente & non contradicente Principe sit abrogatum.*

2. Secundò: Censura præsentim, quæ est à jure, alia est sententia latæ, alia sententia ferendæ. Prior est, quam delinquens ipso facto seu criminis perpetratione sine alia sententia condemnatoria incurrit, quales jure decreta intelliguntur verbis præteriti vel præsentis temporis significationem habentibus. V. G. excommunicamus, anathematizamus, suspendimus, qui hoc fecerit, noverit se excommunicatum, excommunicationi subjaceat, vel in eam incidat; Prohibemus sub excommunicatione ipso jure, vel ipso facto sine alia sententia incurrenda &c. Censura sententia ferendæ est, qua licet à jure statuta, à delinquente tamen non ipso facto statim incurrit, sed per sententiam à Judice infligenda, cuiusmodi censura denotatur ferè verbis futuri temporis. V. G. excommunicabitur, suspendetur, vel excommunicetur: prohibemus sub excommunicatione: volumus excommunicari; ita ferè Sylv. v. excommunicatio. I. n. 22. Castrop. de lege penal. I. 2. c. 1. Suar. de cens. d. 3. f. 3. à n. 1. Laym. l. c. n. 3. ut autem censura censeatur latæ sententiae, non ambiguis, sed manifestis verbis est exprimenda, cum in penis benignior interpretatio sit facienda. Castrop. l. c. n. 5.

3. Tertiò: Censura essentialiter trifariam dividitur, nimirum alia est excommunicatio, alia suspensio, alia interdictum, ut constat ex c. statutum, de sent. excom. in 6. & præter has tres species censuræ non esse aliam tenent Nav. man. c. 27. num. 1. Lamberti de jure pat. p. 1. l. 2. q. 9. a. 3. n. 3. Ugol. de cens. tab. I. c. 26. Garc. de benef. p. 7. c. 13. n. 2. Suar. Tom. 5. in 3. part. d. 1. f. 3. Avil. de cens. p. 1. du. 5. Laym. l. c. c. 2. n. 1. Castrop. l. c. p. 1. n. 4. dicens communem & verissimam contra Sotum in 4. dist. 22. q. 3. a. 1. aliòsque Thomistas tribus distinctis speciebus addentes cessationem à divinis, & irregularitatem ex delicto, & alios, insuper anumerantes depositionem & degradationem, ita ut velint esse septem species censuræ, cuius contrarium ex c. quareni de V. S. ubi Pontifex interrogatus de censuris, illastres tantum enumeravit, quæ responso cum sit in materia doctrinali, æquivalent huic absolutæ: non sunt nisi tres dictæ, ne alias esset responso imperfecta. Item ex ea ratione, quod definitio censura communiter recepta nulli alteri speciei nisi tribus enumeratis conveniat, dum censatio à divinis est species quædam interdicti, vel non est tam pena fidelibus imposta, quæ signum quoddam mortoris Ecclesiæ ob injuriam sibi factam, depositio veræ, degradation & irregularitas non sunt penæ medicinales delinquente emendato auferendæ, sed ex se perpetuæ; censuræ autem etiæ quoque privent fideles honorum spiritualium usu, relinquunt tamen potestatem illum usum recuperandi.

Quæst. 552. *Quinam in specie habeant vel non habeant potestatem ferendi censuras?*

I. Resp. primò: Potestate ordinariâ, qualis est, quæ alicui officio vel dignitati ecclesiastica, prout sunt ab Ecclesia instituta, annuitetur in perpetuum, censuras ferre possunt imprimis summus Pontifex respectu omnium fidelium, ut Catholicæ omnes, deinceps Episcopi & Archiepiscopi in sua dice-

cesi quod ad sibi subditos. c. 1. de off. Ordinar. Trid. sess. 6. de reform. c. 3. & sess. 14. c. 4. ita tamen, ut Archiepiscopus illas ferre nequeat respectu subditorum suorum suffraganeorum, nisi dum suffraganei diœcœsim visitat, vel causa subditorum suffraganei ad ipsum devolvitur; c. venerabilibus de sent. excom. in 6. Tertiò Cardinales in ecclesia sui tituli, c. his quæ de majorit. & obed. & ibi DD. Quartò Legatus sedis Apostolicae in provincia sua legationis. c. Legatus. de off. legat. in 6. Quintò: Vicarius Episcopi generalis, quippe idem constitutus cum Episcopo tribunal. c. 2. de consuetud. in 6. c. Romana de apel. in 6. idem est de Vicario capituli sede vacante, Trid. sess. 24. de reform. c. 16. & à fortiore de ipso Capitulo. c. unic. de majorit. in 6. Sextò: Concilia generalia per totam Ecclesiam, provincialia in sua provincia. Septimò: Abbates, Priors, Praepositi ecclesiasticorum collegiarum, & qui iurisdictionem in foro externo habent, Archidiaconi & Archipresbyteri, quieti ex primæva sua institutione eâ potestate carebant, c. 5. de off. Archipresb. modò tamen eorum aliqui ex consuetudine eam habent, Arg. c. veniens. de eo qui furtivè ordin. suscepit. & c. dubium de eleçt. Octavò ex privilegio Papæ annexo eorum officio religiosorum Generales, Provinciales, Praepositi, Rectores, Guardiani, aliique Superioris locales habent, non tamen parochi, cum in foro externo iurisdictionem non exerceant. Sylv. v. excommunicatio. I. n. 5. Nav. man. c. 27. n. 5. Suar. de cens. d. 2. f. 2. Castrop. tr. 2. d. 1. p. 4. n. 2. non obstante texu c. cum ab ecclesiis. de off. ordinari, ubi rata habetur excommunicatio facta à plebanio; nam si plebanus erat Praepositus Ecclesiæ collegiatae, ut notat Avil. de cens. p. 2. c. 3. du. 2. vel ut Abb. in cit. c. n. 2. habebat hanc potestatem, vel si parochi concessa fuerit, eam contrariâ consuetudine abrogatam dicit Sotus in 4. dist. 22. q. 2. a. 1.

2. Resp. secundò: Ex delegatione hanc potestatem habere possunt, quibus supradicti ordinariæ potestate gaudentes eam commiserint, cum potestas eo ipso, quod ordinaria sit, possit delegari, prout constat ex tit. de off. Ordin. modò tamen is, cui delegatur, sit ejus capax, hinc is, cui delegatur, tempore delegationis debet habere usum rationis, debet esse baptizatus, item Clericus, seu habere primam tonsuram, quia merè laicus est incapax hujus iurisdictionis suscipienda. c. Ecclesia S. Mariae de constit. c. judicatum. d. 89. Adeoque nec religioso professo laico ea conferri aut delegari potest. Suar. d. 2. f. 2. n. 11. Laym. l. 1. sum. tr. 5. p. 1. c. 3. n. 2. Castrop. l. c. d. 1. p. 4. n. 3. Sed nec esse debet conjugatus, rametis enim Ordines minores habeat sive que addictus obsequio alicuius ecclesiæ, & habitum Clericalem gestet (ob qua privilegio canonis & fori gaudeat c. 11. de clericis conjugatis, juncto Trid. sess. 23. c. 6. de reform.) Ordinum tamen beneficiorumque & iurisdictionis administrationisque est omnino incapax, juxta expressum texum c. sanè. de Cler. conjug. Abb. ibid. Covar. c. alma mater. p. 1. §. 11. n. 3. Cönnich. d. 13. du. 4. Suar. d. 2. f. 3. n. 1. Laym. Castrop. ll. cit. unde nec ex dispensatione Episcopi hæc potestas laicis & conjugibus committi potest, cum nemini præter Pontificem concessum sit aduersus consuetudinem & Decreta universalis Ecclesiæ procedere. Suar. Laym. Castrop. ll. cit. Atque ex his à fortiore constat, fœminam hujus iurisdictionis incapacem esse, ut dicunt in c. de matrialibus. de sent. excom. & c. dilecti. de majorit. & obed. de cuius cap. intellectu vide Castrop. cit. n. 3. in fine. Verùnamen incapacitatem hanc non esse